

ԳԵՎՈՐԳ ԲԱԳՐԱՏԻ ՂԱՐԻՔՂԱՆՅԱՆ (ծննդյան 70-ամյակի առթիվ)

Լրացավ հայրենական պատմական գիտության ներկայացուցիչ, պատմական գիտությունների դոկտոր, պրոֆեսոր, գիտության վաստակավոր գործիչ, Հայկական ԽՍՀ գիտությունների ակադեմիայի ակադեմիկոս Գ. Բ. Ղարիքչյանյանի ծննդյան 70-ամյակը:



Գ. Բ. Ղարիքչյանյանը ծնվել է 1920 թ. Ալեքսանդրապոլում (այժմ՝ Լենինական), հեղափոխական ուսուցչի ընտանիքում: Սկզբնական կրթությունը ստացել է ծննդավայրում, ապա 1937 թ. Երևանում ավարտելով միջնակարգ դպրոցը, նույն տարում ընդունվել է և մինչև 1941 թ. սովորել Երևանի պետական համալսարանի պատմության ֆակուլտետում: Երբ սկսվում է Հայրենական մեծ պատերազմը, նա ընդհատում է ուսումը, կամավոր մտնում Խորհրդային բանակի շարքերը և մեկնում ճակատ: 1943 թ. Արևմտյան ճակատում վիրավորվում է, բուժվելուց հետո մինչև 1948 թ. ծառայում է բանակում, որպես ուղղակի թղթակից: 1945 թ. դեկտեմբերին, պատերազմի ավարտից հետո, Երևանի պետական համալսարանում հանձնելով պետական քրեալոգիայի շարունակում է սովորել ասպիրանտուրայում: 1948 թ. մայիսին պաշտպանում է թեկնածուական դիսերտացիա: 1955 թ. հունիսին պաշտպանում է դոկտորական դիսերտացիա, ստանում պրոֆեսորի կոչում: Այդ տարիներին՝ 1948—1950 թթ. նա աշխատել է ՀԼԿԵՄ Կենտկոմի պրոպագանդայի և ագիտացիայի գծով քարտուղար, իսկ 1951—1954 թթ.՝ Կուսպատմության ինստիտուտի հայկական մասնաճյուղի բաժնի վարիչ: 1955—1961 թթ. Գ. Ղարիքչյանյանը աշխատել է ՀԿԿ Կենտկոմի դպրոցական բաժնի վարիչ, ապա գիտություն, կուլտուրայի և ուսումնական հաստատությունների բաժնի վարիչի տեղակալ: 1961 թ. օգոստոսից մինչև 1968 թ. սեպտեմբեր աշխատել է ՀԿԿ Լենինականի քաղկոմի առաջին քարտուղար, իսկ 1968 թ. մինչև 1977 թ.՝ ԽՍՀՄ Կենտկոմի մարքսիզմ-լենինիզմի ինստիտուտի հայկական մասնաճյուղի տնօրեն: 1977—1982 թթ. Գ. Ղարիքչյանյանը ընտրվում է Հայկական ԽՍՀ ԳԱ պատմության և տնտեսագիտության բաժանմունքի ակադեմիկոս-քարտուղար, իսկ դրանից հետո զբաղվում է Պատմության ինստիտուտի Հայ հասարակական մտքի և մամուլի բաժնի: Այժմ նա ՀԽՍՀ ԳԱ գիտական ինֆորմացիայի և հասարակական գիտությունների կենտրոնի տնօրենն է:

Սկսած 1947 թ. Գ. Ղարիքչյանյանը գիտական և հասարակական գործունեությունը զուգընթաց աշխատել է Երևանի պետական համալսարանում, եռամյա կուսակցական դպրոցում, Երևանի բժշկական ինստիտուտում, Կ. Մարքսի անվան պոլիտեխնիկական ինստիտուտի Լենինականի մասնաճյուղում և ՀԿԿ Երևանի քաղկոմին կից Մարքսիզմ-լենինիզմի համալսարանում: Դասախոսել է ԽՍՀՄ պատմություն, Խորհրդային մամուլի և ռուս լրագրության պատմություն, հայ ժողովրդի պատմություն:

Ակադ. Գ. Ղարիքչյանյանի գրչին են պատկանում շուրջ 300 գիտական աշխատություններ, այդ թվում 60 մենագրություններ՝ մարքս-լենինյան գիտության, Հայաստանի և Անդրկովկասի կոմունիստական կազմակերպությունների և հեղափոխական շարժումների, ազգային հարցի, միջազգային կոմունիստական և բանվորական շարժման և հայ ժողովրդի նոր ու նորագույն շրջանի պատմության մասին: Այդ աշխատություններն, անշուշտ, զերծ չեն ժամանակի սխալներից ու թերություններից, առանձին երևույթների լուսաբանման միակողմ-

մանրությունից: Գ. Ղարիբջանյանը Պատմության ինստիտուտի ԲազմաՀատորյակի (ռուսերեն) Հեղինակային կոլեկտիվի և խմբագրական կոլեգիայի անդամ է և ջանասեր աշխատանք է կատարում հայ ժողովրդի անցյալի ու ժամանակակից պատմության հիմնահարցերի նորոգիչ լուսարանման գործում: Վերջին տարիներին նա հրատարակել է մի շարք գրքեր՝ «Հայ ժողովրդի ազատագրական պայքարը 19-րդ դարի վերջին և 20-րդ դարի սկզբին» (1986), «Անկարկներ հայ-բուլղարական բարեկամության պատմության» (1980), «Ավետիք Իսահակյան» (1985), «Ժողովրդական հերոս Անդրանիկը» (1986), «Ավարայրից մինչև Սարգարապատ» (1988), «Հայկական ցեղասպանությունը և համաշխարհային հասարակայնությունը» (1989) և այլն: Նշենք, որ նրա վերջին տարիների աշխատությունները աչքի են ընկնում աղբյուրագիտական լայն ընդգրկումով և փաստերի ուրույն մեկնաբանություններով: Ակադեմիկոս Գ. Ղարիբջանյանը մեծ վաստակ ունի հատկապես հայագիտական որակյալ կադրերի պատրաստման գործում: Նրա ղեկավարությամբ ասպիրանտուրա են ավարտել և գիտական կոլումներ են ստացել բազմաթիվ երիտասարդ գիտական աշխատողներ: 1960—1964 թթ. նա եղել է ԽՍՀՄ բարձրագույն ատեստացիոն հանձնաժողովի էքսպերտ, իսկ 1965—1976 թթ.՝ ԽՍՀՄ բարձրագույն և միջնակարգ մասնագիտական կրթության մինիստրությանը կից էքսպերտ հանձնաժողովի անդամ և ջանք չի խնայել հայագիտական աշխատությունները ինչպես հարկին է այնտեղ ներկայացնելու գործում, 1976—1983 թթ. նա եղել է Հայկական ԽՍՀ Մինիստրների խորհրդի գիտության և տեխնիկայի բնագավառի պետական մրցանակի հանձնաժողովի անդամ և տեղի է ընկել իր սկզբունքայնությամբ և գիտական բարեխղճությամբ: 1971 թ. Գ. Ղարիբջանյանը գիտական շրջանառության մեջ գրեց Կ. Լիբկեխտի և Ռ. Լյուքսեմբուրգի հոդվածները հայկական ազգային-ազատագրական շարժումների և հատկապես Սասունի 1894 թ. ապստամբության վերաբերյալ և հրատարակեց «Եվարլ Լիբկեխտը և Ռոզա Լյուքսեմբուրգը հայ ժողովրդի մասին» (1971) աշխատությունը: Հայ ընթերցողը առաջին անգամ ծանոթացավ գերմանական սոցիալ-դեմոկրատիայի երկու ականավոր ներկայացուցիչների հոդվածներին, որոնց մեջ Ըույց էր տրվում Ռուրբախյում ապրող հպասակ աշխույժ, ալդթվում նաև հայերի ծանր ու անտանելի վիճակը:

Ռ. Լյուքսեմբուրգը այդ աշխատության մեջ այն միտքն է հայտնում, որ եվրոպական և հատկապես գերմանական մամուլի շատ մարմիններ սխալ տեղեկություններ են հայտնում այն մասին, որ եվրոպական և ռուսական պետությունների և հայ ազգային կուսակցությունների միջամտությունը խանգարում է «անմեղ գառ» սուլթանին իրագործելու հայկական գավառներում նախատեսված ռեֆորմները: Նա բերում է փաստեր Թուրքիայում ապրող հպատակ ազգերի ծանր վիճակի մասին և միաժամանակ ի լուր աշխարհի հայտարարում, որ գերմանական սոցիալ-դեմոկրատիան Սասունի ապստամբների կողմն է:

Ակադեմիկոս Գ. Ղարիբջանյանը 1968 թվականից խորհրդահանգարական բարեկամության հայկական բաժանմունքի նախագահն է, Արտասահմանյան երկրների հետ բարեկամության և մշակութային կապերի հայկական ընկերության նախագահության, «Գիտելիք» ընկերության նախագահության, Հայաստանի գրողների, Ժուռնալիստների միությունների և ԽՍՀՄ փիլիսոփաների ընկերության անդամ: Սկսած 1970 թ. Հայկական խորհրդային հանրագիտարանի և Հայ ժողովրդի պատմության բազմահատորյակի գլխավոր խմբագրության անդամ է:

Գ. Ղարիբջանյանը գիտական աշխատանքին զուգընթաց հասարակական և քաղաքական լայն աշխատանք է ծավալել Երևանում և Լենինականում, ողջ հանրապետությունում: 1954—61 թթ. նա եղել է ՀԿԿ Կենտկոմի անդամության թեկնածու, 1961—81 թթ. ՀԿԿ Կենտկոմի անդամ, իսկ 1965—1969 թթ. ՀԿԿ Կենտկոմի բյուրոյի անդամության թեկնածու էր: Ընտրվել է ԽՍՀՄ XII և XIII համագումարների պատգամավոր, եղել է Հայաստանի կոմկուսի XIV և XVI համագումարների պատգամավոր: ԽՍՀՄ Գերագույն խորհրդի VI և VII գումարման ղեկավար: Գ. Ղարիբջանյանը առաջիններից մեկն էր, որ իր գրիչը նվիրեց հայ ազգային-ազատագրական շարժման հարցերի պարզաբանմանը: Նա «Ջորավար Անդրանիկ» հայոց համազգային միության պատվավոր նախագահն է: Գիտական և հասարակական լայն գործունեության համար պարգևատրվել է «Աշխատանքային կարմիր դրոշմ»՝ երկու, «Ժողովուրդների բարեկամության», «Պատվո նշան»՝ շքանշաններով և մի շարք մեդալներով:

Ակադ. Գ. Ղարիբջանյանը իր ստեղծագործական մտահղացումների իրագործման ուղիներում նոր և թարմ առեւթույններ ունի իր ընթերցողներին: Մաղթենք նրան քաջառողջություն և հաջողություններ գիտական ասպարեզում:

Գ. Մ. ԳԵՂԱՄՅԱՆ

պատմական գիտությունների դոկտոր

Հ. Մ. ՊՈՂՈՍՅԱՆ

պատմական գիտությունների դոկտոր